

D E Û T E R O N O M I.

bithidh agad; foitheach-tomhais iomlan agus ceart bithidh agad: a chum gu'm buanaichear do làithean anns an fhearann a *tha* 'n Tighearna do Dhia a' tabhairt duit.

16 Oir *tha* iadfan uile a ni na nithe sin, iadfan uile a ni gu h-eucorach, 'nan graineileachd do'n Tighearna do Dhia.

17 Cuimhnich ciod a rinn Amalec ort 'san t-slighe, 'nuair a thainig sibh amach as an Eiphit:

18 Cionnus a choinnich e thu 'san t-slighe, agus a bhuail e chuid bu deireanaiche dhìot, *eadh* iadfan uile a *bha* lag a'd' dhéigh, an uair a *bha* thu fann agus f'gith, agus nach robh eagal Dé air.

19 Uime sin an nair a bheir an Tighearna do Dhia fois duit o'd' naimhdibh uile mu'n cuairt, anns an fhearann a bheir an Tighearna do Dhia dhuit mar oighreachd r'a shealbhadh, dubhaidh tu *as* cuimhne Amaleic o *bhi* fuidh nèamh; cha di-chuimhnich thu *e*.

C A I B. XXVI.

A GUS an uair a théid thu stigh do'n fhearann a *tha* 'n Tighearna do Dhia a' toirt dhuit mar oighreachd, agus a shealbhaicheas tu e, agus a ghabhas tu còmhnuidh ann;

2 'An sin gabhaidh tu do'n cheud chuid do uile thoradh na talmhainn, a bheir thu leat do t'fhearann a *tha* 'n Tighearna do Dhia a' tabhairt duit, agus cuiridh tu ann am bascaid *e*, agus théid thu chum an àite a

thaghas an Tighearna do Dhia, a chur ainme 'an sin.

3 Agus théid thu dh'ionnsuidh an t-sagairt a bhios anns na laithibh sin, agus their thu ris, Tha mi ag aideachadh air an là 'n diugh do'n Tighearna do Dhia, gu'n d'thàinig mi do'n dùthaich a mhionnaich an Tighearna d'ar n-aithreachaibh gu'n d'thugadh e dhuinn.

4 Agus gabhaidh an sagart a' bhascaid as do làimh, agus cuiridh e sìos i air beulaobh altarach an Tighearna do Dhé.

5 Agus freagraidh tu agus their thu 'an làthair an Tighearna do Dhé, Bu Shirianach air sheòl a bhi caillte m' athair, agus chaidh e sìos do'n Eiphit, agus bha e air chuairt 'an sin le beagan cuideachd, agus dh'fhàs e 'n sin 'na chinneach mòr, cumhachdach agus lionmhor.

6 Agus bhuin na h-Eiphitich gu h-olc ruinn^a, agus shàraich iad sinn, agus chuir iad daorfa chruaidh oirn.

7 Agus ghlaodh sinn ris an Tighearna, Dia ar n-aithreacha; agus dh'éisid an Tighearna r'ar guth, agus dh'amhairc e air ar n-àmhghar agus ar faothair, agus ar foirneart.

8 Agus thug an Tighearna mach sinn as an Eiphit le làimh chumhachdaich, agus le gairdean sìnte mach, agus le h-uamhana mòr, agus le comharaibh, agus le h-iongantafaibh.

9 Agus thug e sinn do'n àite so, agus thug e dhuinn am fearann so, fearann a *tha* fruthadh le bainne agus mil.

10 Agus anis feuch, thug mi

leam